

占察善惡業報經•正脩懺法

明•古吳比丘 智旭 集

◎供養三寶

（供水→問訊→上香→問訊→禮佛三拜）

（專秉一心，念所脩法。不得剎那念世雜事，當思生死事大，無常迅速，堅精努力，乃剋有濟。倘稍違淨法，則唐喪劬勞，不可不慎。）

（正身、合掌）（應先緣念，一切三寶，體常徧滿，無所不在。眾生迷惑，流轉可哀。我為眾生，翻迷歸悟，禮敬三寶。）

一切恭敬，一心敬禮，十方常住三寶。（一拜）

嚴持香華，如法供養。

願此香華雲，徧滿十方界，供養一切佛。

尊法諸賢聖，無邊佛土中，受用作佛事。

一切佛法僧寶，體常徧滿，無所不在。

願令以此香華，等同法性，普熏一切諸佛刹土，施作佛事。

十方一切供具，無時不有，我今當以十方所有一切種種

香華瓔珞、幢幡寶蓋、諸珍妙飾、種種音樂、燈明燭火、飲食衣服、臥具湯藥，

乃至盡十方所有一切種種莊嚴供養之具。

憶想遙擬，普共眾生奉獻供養。

一切世界中有脩供養者，我今隨喜。

若未脩供養者，願得開導令脩供養。

又願我身，速能徧至一切刹土，於一一佛法僧所，各以一切種種莊嚴供養之具，共一切眾生等持奉獻，

供養一切諸佛法身色身、舍利、形像、浮圖、廟塔，一切佛事，

供養一切所有法藏及說法處，

供養一切賢聖僧眾。

願共一切眾生，脩行如是供養已，漸得成就六波羅蜜、四無量心。

深知一切法本來寂靜、無生無滅、一味平等，離念清淨，畢竟圓滿。

供養已，一切恭敬。（一拜）

◎啟請三寶諸天

（三寶雖無所不在，而眾生久積迷惑，背覺合塵，念與悲隔。今既翻迷歸悟，應須緣念三寶，充滿虛空，應物現形，如水中月。）

一心奉請南無本師釋迦牟尼佛（三稱、一拜）『我三業性如虛空，釋迦如來亦如是。不起真際為眾生，與眾俱來受供養。』

一心奉請南無毘婆尸等過去七佛（三稱、一拜）『我三業性如虛空，○○○○亦如是。不起真際為眾生，與眾俱來受供養。』

一心奉請南無普光佛等五十三佛（三稱、一拜）『我三業性如虛空，○○○○亦如是。不起真際為眾生，與眾俱來受供養。』

一心奉請南無一切諸佛所有色身、舍利、形象、浮圖、廟塔、一切佛事（三稱、一拜）
『諸佛法身如虛空，化事住事難思議。我今三業如法請，惟願影現受供養。』

一心奉請南無十方三世一切諸佛（三稱、一拜）『我三業性如虛空，○○○○亦如是。不起真際為眾生，與眾俱來受供養。』

一心奉請南無占察善惡業報經微妙法藏（三稱、一拜）『法性如空不可見，常住法寶難思議。我今三業如法請，惟願影現受供養。』

一心奉請南無十方一切法藏（三稱、一拜）『法性如空不可見，常住法寶難思議。我今三業如法請，惟願影現受供養。』

一心奉請南無十方一切賢聖（三稱、一拜）『我三業性如虛空，一切賢聖亦如是。不起真際為眾生，與眾俱來受供養。』

一心奉請南無堅淨信菩薩摩訶薩（三稱、一拜）『我三業性如虛空，○○○○亦如是。不起真際為眾生，與眾俱來受供養。』

（此是當機啟教之人，應念菩薩為我等故，請問大法。我今得聞此最勝法，皆是菩薩莫大恩德。）

一心奉請南無徧吉菩薩、觀世音菩薩摩訶薩（三稱、一拜）『我三業性如虛空，○○○○亦如是。不起真際為眾生，與眾俱來受供養。』

（應念此二菩薩慈悲慧行，普度群迷，與地藏菩薩威神無異。徧吉菩薩即普賢菩薩。）

一心奉請南無地藏菩薩摩訶薩（三稱、三拜）『我三業性如虛空，地藏菩薩亦如是。不起真際為眾生，與眾俱來受供養。』

（應念此是我等的對懺悔之主。依此菩薩大慈大悲威神力故，令我無惡不滅，無善不生。）

我今歸命啟請，如子憶母，此為道場正主，餘佛菩薩，同作證明。涕泣求哀，猶如面奉，必冀菩薩攝受護持。）

一心奉請梵釋四王、天龍八部、僧伽藍內護正法者一切聖眾（三稱、一拜）（出家眾不需禮拜改起身問訊）

（長跪）

唯願釋迦慈父、七佛世尊、五十三佛、一切覺者、他心道眼、無礙見聞、身通自在，來降道場，攝取我等，令成淨信。（三稱後跪拜）

占察善惡業報尊經，十方一切清淨法藏，等真法性，充滿虛空，顯現道場，受我供養。（三稱後跪拜）

堅淨信菩薩、徧吉菩薩、觀世音菩薩等，十方一切賢聖，不捨大慈，來臨法座，哀憐覆護，證我行法。（三稱後跪拜）

地藏菩薩摩訶薩，救世真士、大智開士，善安慰說者、速除諸障、增淨信者，大慈大悲，不違本誓，放大光明，滿我所願。（三稱後跪拜 起身）

護法天龍，伽藍真宰，隨我請來，堅守道場，卻諸魔障，示現吉祥，令我所脩，自在成就。（三稱、一拜）（出家眾不需禮拜改起身問訊）

◎讚禮三寶

我聞徧知海，真實德無邊，度脫諸有情，心歡喜敬禮，曾脩無量福，今得禮尊足，願無量劫中，常脩多供養。

（每佛念：「能禮所禮性空寂，感應道交難思議！我此道場如帝珠，○○○○影現中！我身影現如來前，頭面接足歸命禮！」佛名若二字，稱以「如來」）

一心敬禮過去	毘婆尸佛（一拜）	一心敬禮	尸棄佛（一拜）	一心敬禮	毘舍浮佛（一拜）	一心敬禮	拘留孫佛（一拜）
一心敬禮	拘那含牟尼佛（一拜）	一心敬禮	迦葉佛（一拜）	一心敬禮本師	釋迦牟尼佛（一拜）	一心敬禮	普光佛（一拜）
一心敬禮	普明佛（一拜）	一心敬禮	普淨佛（一拜）	一心敬禮	多摩羅跋旃檀香佛（一拜）	一心敬禮	旃檀光佛（一拜）
一心敬禮	摩尼幢佛（一拜）	一心敬禮	歡喜藏摩尼寶積佛（一拜）	一心敬禮	一切世間樂見上大精進佛（一拜）	一心敬禮	摩尼幢燈光佛（一拜）
一心敬禮	慧炬照佛（一拜）	一心敬禮	海德光明佛（一拜）	一心敬禮	金剛牢強普散金光佛（一拜）	一心敬禮	大強精進勇猛佛（一拜）
一心敬禮	大悲光佛（一拜）	一心敬禮	慈力王佛（一拜）	一心敬禮	慈藏佛（一拜）	一心敬禮	旃檀窟莊嚴勝佛（一拜）
一心敬禮	賢善首佛（一拜）	一心敬禮	善意佛（一拜）	一心敬禮	廣莊嚴王佛（一拜）	一心敬禮	金華光佛（一拜）
一心敬禮	寶蓋照空自在力王佛（一拜）	一心敬禮	虛空寶華光佛（一拜）	一心敬禮	琉璃莊嚴王佛（一拜）	一心敬禮	普現色身光佛（一拜）
一心敬禮	不動智光佛（一拜）	一心敬禮	降伏眾魔王佛（一拜）	一心敬禮	才光明佛（一拜）	一心敬禮	智慧勝佛（一拜）
一心敬禮	彌勒仙光佛（一拜）	一心敬禮	善寂月音妙尊智王佛（一拜）	一心敬禮	世淨光佛（一拜）	一心敬禮	龍種上尊王佛（一拜）
一心敬禮	日月光佛（一拜）	一心敬禮	日月珠光佛（一拜）	一心敬禮	慧幢勝王佛（一拜）	一心敬禮	獅子吼自在力王佛（一拜）
一心敬禮	妙音勝佛（一拜）	一心敬禮	常光幢佛（一拜）	一心敬禮	觀世燈佛（一拜）	一心敬禮	慧威燈王佛（一拜）
一心敬禮	法勝王佛（一拜）	一心敬禮	須彌光佛（一拜）	一心敬禮	須摩那華光佛（一拜）	一心敬禮	優曇鉢羅華殊勝王佛（一拜）
一心敬禮	大慧力王佛（一拜）	一心敬禮	阿閼毗歡喜光佛（一拜）	一心敬禮	無量音聲王佛（一拜）	一心敬禮	才光佛（一拜）
一心敬禮	金海光佛（一拜）	一心敬禮	山海慧自在通王佛（一拜）	一心敬禮	大通光佛（一拜）	一心敬禮	一切法常滿王佛（一拜）

一心敬禮東 方一切諸佛所有色身、舍利、形象、浮圖、廟塔、一切佛事（一拜）	「諸佛法身如虛空，化事住事難思議。我皆影現化事前，一一皆悉歸命禮。」
一心敬禮東南方一切諸佛所有色身、舍利、形象、浮圖、廟塔、一切佛事（一拜）	「諸佛法身如虛空，化事住事難思議。我皆影現化事前，一一皆悉歸命禮。」
一心敬禮南 方一切諸佛所有色身、舍利、形象、浮圖、廟塔、一切佛事（一拜）	「諸佛法身如虛空，化事住事難思議。我皆影現化事前，一一皆悉歸命禮。」
一心敬禮西南方一切諸佛所有色身、舍利、形象、浮圖、廟塔、一切佛事（一拜）	「諸佛法身如虛空，化事住事難思議。我皆影現化事前，一一皆悉歸命禮。」
一心敬禮西 方一切諸佛所有色身、舍利、形象、浮圖、廟塔、一切佛事（一拜）	「諸佛法身如虛空，化事住事難思議。我皆影現化事前，一一皆悉歸命禮。」
一心敬禮西北方一切諸佛所有色身、舍利、形象、浮圖、廟塔、一切佛事（一拜）	「諸佛法身如虛空，化事住事難思議。我皆影現化事前，一一皆悉歸命禮。」
一心敬禮北 方一切諸佛所有色身、舍利、形象、浮圖、廟塔、一切佛事（一拜）	「諸佛法身如虛空，化事住事難思議。我皆影現化事前，一一皆悉歸命禮。」
一心敬禮東北方一切諸佛所有色身、舍利、形象、浮圖、廟塔、一切佛事（一拜）	「諸佛法身如虛空，化事住事難思議。我皆影現化事前，一一皆悉歸命禮。」
一心敬禮下 方一切諸佛所有色身、舍利、形象、浮圖、廟塔、一切佛事（一拜）	「諸佛法身如虛空，化事住事難思議。我皆影現化事前，一一皆悉歸命禮。」
一心敬禮上 方一切諸佛所有色身、舍利、形象、浮圖、廟塔、一切佛事（一拜）	「諸佛法身如虛空，化事住事難思議。我皆影現化事前，一一皆悉歸命禮。」

一心敬禮十方三世一切諸佛（一拜）	「能禮所禮性空寂，感應道交難思議。我此道場如帝珠，○○○○影現中。我身影現如來前，頭面接足歸命禮。」
一心敬禮十方一切法藏（三稱、三拜）	「真空法性如虛空，常住法寶難思議。我身影現法寶前，一心如法歸命禮。」
一心敬禮占察善惡業報經微妙法藏（一拜）	「真空法性如虛空，常住法寶難思議。我身影現法寶前，一心如法歸命禮。」
一心敬禮十方一切賢聖（三稱、三拜）	「能禮所禮性空寂，感應道交難思議。我此道場如帝珠，一切賢聖影現中。我身影現賢聖前，頭面接足歸命禮。」
一心敬禮堅淨信菩薩摩訶薩（一拜）	「能禮所禮性空寂，感應道交難思議。我此道場如帝珠，○○○○影現中。我身影現菩薩前，頭面接足歸命禮。」
一心敬禮徧吉菩薩、觀世音菩薩摩訶薩（一拜）	「能禮所禮性空寂，感應道交難思議。我此道場如帝珠，○○○○影現中。我身影現菩薩前，頭面接足歸命禮。」
一心敬禮地藏菩薩摩訶薩（三稱、三拜）	「能禮所禮性空寂，感應道交難思議。我此道場如帝珠，地藏菩薩影現中。我身影現菩薩前，為求滅障接足禮。」

◎脩行懺悔（長跪）

我弟子某甲，一心仰告地藏慈尊、十方三寶，
弟子過去曾犯殺生，偷盜，邪淫，妄語，沽酒，說四眾過，
自讚毀他，慳吝，嫉妒，嗔恚，邪見，毀謗三寶，種種罪惡，
至心懺悔，殷勤悔過，即令消滅。（跪拜）

我及眾生，無始常為三業六根重罪所障，
不見諸佛，不知出要，但順生死，不知妙理。
我今雖知，猶與眾生，同為一切重罪所障。
今對地藏，十方佛前，普為眾生歸命懺悔，惟願加護，令障消滅。（跪拜）

普為法界一切眾生，悉願斷除三障，歸命懺悔。（跪拜）

我與眾生，無始來今，由愛見故，內計我人，外加惡友，
不隨喜他一毫之善，惟徧三業，廣造眾罪。
事雖不廣，惡心徧布，晝夜相續，無有間斷。
覆諱過失，不欲人知，不畏惡道，無慚無愧，撥無因果。
故於今日，深信因果，生重慚愧，生大怖畏，發露懺悔。
斷相續心，發菩提心，斷惡脩善，勤策三業，翻昔重過。
隨喜凡聖一毫之善，念十方佛有大福慧，能救拔我及諸眾生，
從二死海，置三德岸。

從無始來，不知諸法本性空寂，廣造眾惡。
今知空寂。為求菩提，為眾生故，廣脩諸善，徧斷眾惡。
惟願一切三寶、地藏菩薩，慈悲攝受，聽我懺悔。（跪拜）

我弟子某甲，至心懺悔。
我及眾生，自性清淨。一實境界，諸佛體同。
無明痴暗，熏習因緣，現妄境界，令生念著，計我我所，習諸惡法，
三業六根，廣造重罪，十惡五逆，重難輕遮，障慧障定，
障諸戒品，致使長淪苦海，永無出期。
設欲脩行，多諸疑障，或擾外魔，或遭邪見，助緣缺乏，淨信不成。
今遇地藏菩薩摩訶薩，善安慰說，開我迷雲，滌慮洗心，求哀悔過。
惟願十方諸大慈尊，證知護念。
我今懺悔，不復更造。
願我及一切眾生，速得除滅，無量劫來，十惡四重，五逆顛倒，
謗毀三寶，一闡提罪。
如是罪性，本惟空寂，但從虛妄，顛倒心起，無有定實，而可得者。
願一切眾生，速達心本，永滅罪根。
懺悔已，歸命禮三寶。（跪拜）

◎發勸請願

我弟子某甲，至心勸請。
願令十方一切菩薩，未成正覺者，願速成正覺。
若已成正覺者，願常住在世，轉正法輪，不入涅槃。
勸請已，歸命禮三寶。（跪拜）

◎發隨喜願

我弟子某甲，至心隨喜。
願我及一切眾生，畢竟永捨嫉妒之心，於三世中，一切刹土，
所有脩學一切功德，及成就者，悉皆隨喜。
隨喜已，歸命禮三寶。（跪拜）

◎發迴向願

我弟子某甲，至心迴向。
願我所脩一切功德，資益一切諸眾生等，同趣佛智，至涅槃城。
迴向已，歸命禮三寶。（跪拜）

◎補發願

我弟子某甲，至心發願，
願十方三寶，地藏慈尊，哀愍護持，救拔拯濟，
令此國土，災亂消除，正法流通，咸生淨信，無諸障礙，永斷魔邪，
我及眾生，重罪速滅，現離衰惱，充足資生，三聚戒根，畢竟清淨。
二種觀道，應念現前。三昧總持，神通方便。四攝六度，無不圓成。
了悟自心，一實境界。捨身他世，生在佛前。
面奉彌陀，歷侍諸佛，親蒙受記。
回入塵勞，普會群迷，同歸密藏。
發願已，歸命禮三寶。（跪拜 起身）

◎三皈依

自皈依佛，當願眾生，體解大道，發無上心（一拜）
自皈依法，當願眾生，深入經藏，智慧如海（一拜）
自皈依僧，當願眾生，統理大眾，一切無礙。和南聖眾（一拜）